

Vischnaunca politica Andiaast

Radunonza communal dils 26 d'uoost 2016

Presents: Suprastonza communal, canzlist e 17 vischinas e vischins
Cumissiun da gestiun: Rolf Sgier

1. Beinvegni ed elecziun dils dumbravuschs

President communal Sievi Sgier fa in cordial beinvegni tier las fatschentas publicadas. Sco dumbravuschs vegnan Rolf Sgier ed Ignaz Alig proponi ed elegi unanimamein. Encunter la gliesta da tractandas dat ei neginas objecziuns.

2. Prelecziun ed approvaziun dil protocol dalla radunonza communal dils 10-06-2016

Il protocol dalla davosa radunonza communal dils 10 da zercladur 2016 vegn prelegius ed approbaus unanimamein.

3. Quen communal 2015

a) Presentaziun dil quen communal 2015

Il quen current 2015 siara suenter expensas da frs. 1'562'790.86 ed entradas da frs. 1'478'814.36 cun in surpli d'expensas da frs. 83'976.50. Amortisaziuns ordinarias e supplementaras sin la facultad administrativa e finanziaria ein vegnidas pridas avon ell'altezia da total frs. 487'580.65

Il quen d'investiziun 2015 siara suenter expensas da frs. 807'967.45 ed entradas da frs. 414'206.90 cun in surpli d'expensas da frs. 393'760.55.

b) Rapport dalla cumissiun da gestiun

La cumissiun da gestiun propona tenor rapport alla radunonza communal dad approbar il quen 2015 e la bilanza per ils 31-12-2015 sco era da dar scarica als officials da vischnaunca ed all'administraziun.

c) Approvaziun dil quen e dar scarica als officials da vischnaunca

Unanimamein vegn il quen communal 2015 approbaus. Medemamein vegn dau unanimamein scarica als officials da vischnaunca ed all'administraziun.

4. Damonda da credit dall'associaziun da consum Andiaast

L'associaziun da consum Andiaast ha inoltrau ina damonda da credit per saver sanar parts da lur stizun. Per l'ina fuss quei il remplazzament dalla vetrina da frestgentar incl. installaziun. Quella midada custass en tut ca. frs. 26'000.00. La summa numnada sorprendess igl agid svizzer per la muntogna, quei denton mo sche la radunonza communal approbescha la damonda da credit. La vischnaunca havess da sorprender cuosts en connex cun optimaziuns dall'effizienz da lavur ed optimaziuns dalla frequenza da clients. Lezs muntassan a ca. frs. 46'000.00. Il credit brut muntass a frs. 72'000.00.

Ils presents han approbau il credit brut da frs. 72'000.00 per la sanaziun dalla stizun dil Volg ad Andiaast unanimamein.

5. Dietrich Reto ed Ines, damonda da baghegiar pli datier, parcella nr. 313

Reto ed Ines Dietrich han inoltrau ina damonda da baghegiar pli datier sin parcella nr. 313. Sievi Sgier presenta als vischins la situaziun vertenta.

La damonda da baghegiar pli datier sin parcella nr. 313 vegn approvada unanimamein.

6. Informaziuns dalla suprastonza communal

Sievi Sgier informescha davart las suandontas fatschentas actualas:

- Via Fraissen – Tschess (finiu)
- Via Cumpadials (settember-october finiu)
- Via S. Clau (en planisaziun)
- Alp Sura (finiu)
- Aquaduct (en planisaziun)
- Casa da scola (tètg, colur, remaduras pintgas)

Finiziun dalla radunonza communal allas 21:30.

Andiast, ils 26 d'uoost 2016

Il president:

Igl actuar:

Sievi Sgier

Gian-Luca Lutz